

ՀԱՅԿԱԿԱՆ ԱԶԳԱՅԻՆ ԶՈՐԱՄԻԱՎՈՐՈՒՄՆԵՐԻ  
ՄԱՍՆԱԿՑՈՒԹՅՈՒՆԸ ՀԱՅՐԵՆԱԿԱՆ ՄԵԾ ՊԱՏԵՐԱԶՄԻՆ  
(1941—1945 թթ.)

Պատմ. գիտ. դոկտոր Կ. Ա. ՀԱՐՈՒԹՅՈՒՆՅԱՆ

1941 թ. հունիսի 22-ի վաղ առավոտյան ֆաշիստական Գերմանիան, խախտելով ԽՍՀՄ-ի և Գերմանիայի միջև 1939 թ. օգոստոսի 23-ին 10 տարի ժամանակով կնքված չհարձակման պայմանագիրը, ուխտադրժոռեն հարձակվեց Խորհրդային Միության վրա՝ նպատակ ունենալով ոչնչացնել այն, զավթել երկրի տարածքները, ստրկացնել նրա ժողովուրդներին և ստեղծել գերմանական ռասիստական մեծ կայսրություն։ Ֆաշիստական հորդանների դեմ ոտքի ելան Խորհրդային Միության բոլոր ժողովուրդները։

Հայ ժողովրդի ավելի քան կես միլիոն զավակներ տարբեր ռազմաճակատներում և բոլոր զորատեսակների կազմում մարտնչեցին ֆաշիստական զավթիչների դեմ։ Նրանցից շուրջ 200,000-ը զոհվեցին դաժան մարտերում։ Հերոսաբար կատարելով իրենց սրբազան պարտքը, հայ ռազմիկները ԽՍՀՄ մյուս բոլոր ժողովուրդների զավակների հետ մեկտեղ, ռուս մեծ ժողովրդի գլխավորությամբ, արժանի ավանդ ներդրեցին առաջադեմ մարդկության ռիսերիմ թշնամու՝ ֆաշիզմի դեմ տարած պատմական հաղթանակի գործում։ Մարտերում իրենց անօրինակ սխրանքներով առավել աչքի ընկած հայ ժողովրդի և Հայաստանի 108 զավակներ (որոնցից 100-ը՝ հայեր) արժանացան Խորհրդային Միության հերոսի բարձր կոչման, երկու հոգի՝ Խորհրդային Միության մարշալ Հովհաննես Բաղրամյանը և զրոհային ավիացիոն հրամանատար, զվարդիայի փոխգնդապետ, լեգենդար օդաչու Նելսոն Ստեփանյանը այդ բարձր կոչմանն արժանացան կրկնակի անգամ, 27 զինվորներ դարձան Փառքի երեք աստիճանների շքանշանների լրիվ ասպետներ<sup>1</sup>, ավելի քան 60 հայրորդու շնորհվեց գեներալի, 10 հոգու՝ ծովակալի կոչում։ Խորհրդային Միության մարշալի կոչում շնորհվեց Հովհաննես Բաղրամյանին, Խորհրդային Միության ծովակալի կոչում՝ Հովհաննես Իսակովին, զրահատանկային զորքերի գլխավոր մարշալի կոչում՝ Համազասպ Բաբաջանյանին, ավիացիայի մարշալի կոչում՝ Արմենակ Խանփերյանցին (Սերգեյ Խուդյակով), ինժեներական զորքերի մարշալի կոչում՝ Սերգեյ Աղանյանին (Ազանով)<sup>2</sup>, Հայրենական մեծ պատերազմի տարիներին հայրենիքին մատուցած ակնառու ծառայությունների համար 12 հայրորդու շնորհվեց Սոցիալիստական աշխատանքի հերոսի բարձր կոչում։ Ընդհանուր առմամբ պատերազմի տարիներին մարտական շքանշաններով ու մեդալներով պարգևատրվեցին 66802 հայ<sup>3</sup>։

Հայրենական մեծ պատերազմին մասնակցած հայ ռազմիկների մի մասը ծառայեց տարբեր ռազմաճակատների բոլոր զորատեսակների կազմում։ Նրանք իրենց սխրանքներով աչքի ընկան սահմանապահ ուղեկալների, ռազ-

<sup>1</sup> Книга о героях, Ереван, 1985 с. 6.

<sup>2</sup> Военный энциклопедический словарь. М., 1984, с. 20; «Военно-исторический журнал», 1987, № 6, с. 84—86.

<sup>3</sup> «Красная звезда», 28 марта 1967,

մածո վայրին և ռազմաօդային նավատորմների, հետևակայինների, տանկիստների, հրետանավորների, սակրավորների, կապավորների և այլ զորատեսակների, պարտիզանական ջոկատների, Եվրոպայի երկրների դիմադրական շարժման մասնակիցների և դաշնակիցների բանակների շարքերում:

Սակայն հայ ռազմիկների մի զգալի մասը Հայրենական մեծ պատերազմին մասնակցեց կարմիր բանակի կազմում գոյություն ունեցած հայկական ազգային զորամիավորումների շարքերում: Այդ զորամիավորումները ձևավորվեցին ԽՍՀՄ պաշտպանության պետական կոմիտեի 1941 թ. նոյեմբերի 13-ի որոշման հիման վրա և նպատակ ունեին կարճ ժամանակամիջոցում համալրել կարմիր բանակը, որի անվերադարձ կորուստները միայն առաջին երեք ամիսների ընթացքում կազմեցին 2 057 301 մարդ:

Հայրենական մեծ պատերազմի առաջին շրջանում միայն Անդրկովկասի երեք հանրապետությունները ֆաշիստական զավթիչների դեմ մարտնչելու կամ պետական սահմանները պաշտպանելու նպատակով կազմավորեցին 17 ազգային դիվիզիա. դրանք են՝ Հայկական 89-րդ, 261-րդ, 390-րդ, 408-րդ և 409-րդ, ադրբեջանական 223-րդ, 396-րդ, 402-րդ և 416-րդ, վրացական 224-րդ, 242-րդ, 296-րդ, 349-րդ, 392-րդ, 394-րդ, 406-րդ և 414-րդ հրաձգային դիվիզիաները: Եթե դրանց ավելացնենք նաև 1920-ական թթ. սկզբներին այդ հանրապետություններում կազմավորված Հայկական 75-րդ, Ադրբեջանական 77-րդ և Վրացական 47-րդ և 63-րդ լեռնահրաձգային դիվիզիաները, որոնք ավելի վաղ էին համալրվել տվյալ հանրապետությունների մարդկային և նյութական միջոցների հաշվին, ձեռք բերել իրենց նախկին ազգային տեսքը և մեկնել ռազմաճակատ, ապա դուրս է գալիս, որ միայն Անդրկովկասում կազմավորվեց 21 ազգային դիվիզիա:

Կարմիր բանակի հայկական առաջին ազգային դիվիզիան կազմավորվել է Երևանում 1922 թ. սեպտեմբերի 5-ին՝ Առանձին կովկասյան բանակի ռազմական խորհրդի հրամանով, վերակազմավորման ենթարկված Հայկական կարմիր բանակի, ապա Հայկական հավաքական բրիգադի զորամասերի հիման վրա: Մինչև 1930 թ. սկիզբը միավորումը պաշտոնապես կոչվում էր Հայկական հրաձգային դիվիզիա: 1931 թ. նոյեմբերին այն վերակազմավորվեց լեռնահրաձգային դիվիզիայի, իսկ 1935 թ. դեկտեմբերի 2-ին կոչվեց Կ. Ե. Վորոշիլովի անունով, 1936 թ. մայիսի 29-ին դիվիզիան պարզեցացվեց Կարմիր որոշի շքանշանով, նույն ամսին նրան տրվեց 76-րդ համարը:

Հայկական 76-րդ Կ. Ե. Վորոշիլովի անվան կարմիր որոշի լեռնահրաձգային դիվիզիան հատկապես մեծ դեր է խաղացել կարմիր բանակի համար ազգային ռիզիկոսական կադրեր պատրաստելու գործում: Նրա շարքերում իրենց նախնական կոմիսիոնությունն են ստացել հայազգի 2 մարշալ, 40-ից ավելի գեներալներ, 200-ից ավելի գնդապետներ, միջին և կրտսեր հրամանավոր մի քանի հազար սպաներ: 1938 թ. մայիսին դիվիզիան, կարմիր բանակի մյուս ազգային զորամիավորումների նման, վերակազմավորվեց և դարձավ համազորային միավորում՝ պահպանելով մարտական որոշը, համարը, տեղադրման վայրը և նյութական միջոցները: Խիստ փոփոխություններ են աճանակազմը՝ դառնալով ինտերնացիոնալ: Երբ սկսվեց Հայրենական մեծ պատերազմը, դիվիզիան համալրվեց ՀԽՍՀ մարդկային և նյութական միջոցներով և կրկին ձեռք բերեց նախկին ազգային տեսքը: Նրա անձնակազմի 2/3-ից ավելին կազմեցին հայերը:

1941 թ. օգոստոսի 25-ին Անդրկովկասյան ռազմաճակատի միավորումներից կազմված զորախմբի առաջապահում, Խորհրդային Միության և Իրա-

4 Հայկական 76-րդ Կ. Ե. Վորոշիլովի անվան կարմիր որոշի—51-րդ գլխարդիական վիստրական լենինի շքանշանակիր հրաձգային դիվիզիա, 1920—1945 թթ., փաստաթղթերի և նյութերի ժողովածու. Երևան, 1976, էջ 8:

5 Ռուսաստանի դաշնության պաշտպանության նախարարության կենտրոնական արխիվ (այսուհետև՝ ՌԴ ՊՆԱ), ֆ. 51-րդ գլխարդիական հրաձգային դիվիզիայի, ք. 1, դ. 2, թ. 1:

նի միջև 1921 թ. կնքված պայմանագրի համաձայն, դիվիզիայի զորամասերը Զուլֆայի մոտ անցան սահմանային Արաքս գետի աջ ափը և առաջ շարժվելով մինչև օգոստոսի 30-ը, առանց դիմադրության հասան Թավրիզ։ Խորհրդային զորքերի մոտքն իրան հնարավորություն տվեց կարճ ժամանակամիջոցում այդ երկիրը մաքրել գերմանաֆաշիստական գործակալներից ու ձախողել իրանը խորհրդային Միության դեմ պատերազմի մեջ ներքաշելու հիտլերյան պլանները։

Դիվիզիան Թավրիզում երկար շմնաց։ Ռազմաճակատում ստեղծված ծանր կացությունը պահանջում էր մարտունակ նոր ուժեր։ Սեպտեմբերի սկզբներին այն վերադառնում է Իրանից և ուղարկվում գործող բանակ։ Սեպտեմբերի 27-ին Հարավ-արևմտյան ռազմաճակատի 38-րդ բանակի կազմում Ուկրաինական ԽՍՀ Պոլտավայի մարզի Չուտովոյի շրջանի Կոչուբեևկա, Կանտեմիրովկա, Ֆյոդորովկա տեղամասում դիվիզիան մարտերի մեջ է մտնում գերմանաֆաշիստական զավթիչների դեմ։ Մինչև 1941 թ. վերջը նրա զորամասերը պաշտպանական ծանր մարտեր էին մղում Չուտովո—Վալկի—Խարկով—Վոլյանսկ ուղղությամբ։ 1942 թ. ապրիլին 76-րդ հրաձգային<sup>8</sup> դիվիզիան Հարավ-արևմտյան ռազմաճակատի 21-րդ բանակի կազմում մասնակցում է ձմեռային, գարնանային մարտերին, իսկ մայիսի 11-ից՝ Խարկովի հարձակողական գործողությանը։ Ամռան սկզբներին հակառակորդի խոշոր բանակային խմբավորումների առաջխաղացումը խորհրդային զորքերին հարկադրեց ժամանակավորապես նահանջել դեպի արևելք։ Այդ շրջանում դիվիզիայի զորամասերը վերջապահ ծանր մարտերով ապահովում էին 21-րդ բանակի նահանջը։ Հաջողությամբ կատարելով հրամանատարության առաջադրանքը, հուլիսի սկզբներին նրանք անցնում են Դոն գետի ձախ ափը և համարվելուց հետո, հուլիսի վերջերից մասնակցում Ստալինգրադյան ճակատամարտին, որն սկսվել էր 1942 թ. հուլիսի 17-ից և ավարտվեց 1943 թ. փետրվարի 2-ին։ Երկարատև ու համառ մարտերից հետո 1942 թ. հոկտեմբերի 24-ին դիվիզիայի զորամասերը գրավում են Դոն գետի աջ ափին գտնվող Կլետսկայա երկաթուղային հանգույցը և հենակետ ստեղծում այնտեղ։ Հակառակորդի բոլոր ջանքերը՝ ետ խլելու Կլետսկայան, հանդիպելով դիվիզիայի անձնակազմի հերոսական դիմադրությանը, վերջանում են անհաջողությամբ։ Ռազմավարական կարևոր նշանակություն ունեցող այդ հենակետը պահպանվում է և ամրապնդվում։ Այն մեծ դեր է խաղում խորհրդային զորքերի 1942 թ. նոյեմբերի 19-ի նշանավոր հարձակման ժամանակ։ Ինչպես հայտնի է, այդ հարձակումն ավարտվեց հաջողությամբ և նոյեմբերի 23-ին Կալաշ քաղաքից հարավ-արևմուտք ընկած շրջանում Հարավ-արևմտյան և Ստալինգրադյան ռազմաճակատների զորքերը շրջապատման օղակի մեջ վերցրեցին գերմանական 330-հազարանոց խմբավորումը։ Այդ գործում իր արժանի ավանդը ներդրեց նաև 76-րդ հրաձգային դիվիզիան, որը ԽՍՀՄ պաշտպանության ժողովմի 1942 թ. նոյեմբերի 23-ի № 375 հրամանով արժանացավ գվարդիականի կոչման և այնուհետև կոչվեց 51-րդ գվարդիական Կ. Ե. Վորոշիլովի անվան կարմրագրոշ հրաձգային դիվիզիա<sup>9</sup>։

Նոյեմբերի վերջերին և դեկտեմբեր ամսվա ընթացքում գվարդիականները ոչ միայն հաջողությամբ ետ էին մղում շրջապատման օղակը ճեղքել ձգտող հակառակորդի բազմաթիվ զրոհները, այլև օրեցօր էլ ավելի ամուր էին սեղմում այն։ Ստալինգրադյան ճակատամարտում ֆաշիստական բանակների հզոր խմբավորման շրջապատմանն ու ոչնչացմանը ակտիվորեն մասնակցելու համար 51-րդ գվարդիական հրաձգային դիվիզիան 1943 թ. հունիսի 19-ին ԽՍՀՄ Գերագույն խորհրդի նախագահության հրամանագրով պարգևատրվեց Լենինի շքանշանով<sup>10</sup>։ Դիվիզիան այնուհետև Վորոնեժյան

<sup>8</sup> Դիվիզիան կրկին հրաձգային էր դարձել 1941 թ. դեկտեմբերի 9-ին։

<sup>7</sup> ՌԴ ՊՆԿԱ, ֆ. 51-րդ գվարդիական հրաձգային դիվիզիայի, ց. 1, գ. 2, թ. 15։

<sup>8</sup> Նույն տեղում, թ. 28 (աթմ Վոլգոգրադ քաղաքի փողոցներից մեկը կոչվում է 51-րդ գվարդիական դիվիզիայի անվամբ)։

ռազմաճակատի 6-րդ գվարդիական բանակի 23-րդ գվարդիական հրաձգային կորպուսի կազմում ակտիվորեն մասնակցում է Կուրսկի ճակատամարտին: Գվարդիականները հուլիսի 5-ից մինչև օգոստոսի 23-ը դաժան մարտեր են մղում Օրյոլ—Կուրսկ—Բելգորոդ աղեղի հարավային մասում և հակառակորդին հասցնում կենդանի ուժի և տեխնիկայի մեծ վնասներ: Կուրսկի ճակատամարտի հաղթական ավարտից հետո դիվիզիան 6-րդ գվարդիական բանակի կազմում, բնակլիմայական դժվարին պայմաններում, պայքարում էր Կալինինի մարզի նեւել, Նոփոսոկոլնիկի, Պուստոշինսկի, Իգրիցայի և Սուտոկինսկի շրջանների ազատագրման համար:

1944 թ. հունիսի 23-ից մինչև հուլիսի 4-ը գվարդիականները հարձակողական մարտեր էին մղում Բելոռուսիայի հյուսիսային շրջաններում: Նրանք հաղթահարեցին ջրային շորս արգելք, անցան 250 կմ, ազատագրեցին ավելի քան 200 բնակավայր, այդ թվում Պոլոցկ քաղաքը: Դիվիզիան հատկապես աչքի ընկավ Արևմտյան Դվինյան գետանցելիս, որի համար 15 մարտիկների շնորհիվ հորհրդային Միության հերոսի կոչում: Նրանց թվում էր նաև գվարդիայի եֆրեյտոր Արամայիս Ասատուրի Սարկիսովը: Գորիսի շրջանի Տեղ գյուղի անվեհեր քաջորդին իր կյանքի գնով փրկեց ռուս հրամանատարի կյանքը և նպաստեց մարտական առաջադրանքի կատարմանը:

Վիտեբսկի մարզում հակառակորդի խոշոր խմբավորման շրջապատման և ջախջախման մարտերին ակտիվ մասնակցություն ունենալու համար դիվիզիային շնորհվեցին Վիտեբսկյան, իսկ նրա ղեկավարը՝ Պոլոցկյան պատվավոր անունները: Այնուհետև գվարդիականները մասնակցեցին Ֆաշիստական զավթիչներից Լատվիայի ու Լիտվայի ազատագրմանը և իրենց մարտական ուղին ավարտեցին Կուռլանդական թերակղզում՝ հակառակորդի շրջապատված զորախմբի ջախջախումով, Բալթիկայի ափերին:

Հայրենական մեծ պատերազմի տարիներին դիվիզիայի հրամանատարությունը շարունակ պահպանում էր իր ավանդական կապերը հորհրդային Հայաստանի աշխատավորության հետ: Նրա պատվիրակությունները 5 անգամ այցելեցին Հայաստան և հանդիպումներ ունեցան հանրապետության բանվորների, կուլտնտեսականների, գիտության, մշակույթի և արվեստի ականավոր գործիչների հետ: Հայ ժողովուրդն իր հերթին միշտ ուշադրություն կենտրոնում էր պահում փառապանծ գվարդիականներին, նրանց ուղարկելով զանազան նվեր-ծանրոցներ, ոգևորող նամակներ և այլն: Այդ կապերը պահպանվեցին նաև պատերազմից հետո, երբ դիվիզիան տեղաբաշխված էր Լիտվայի Շաուլյայ քաղաքում<sup>9</sup>:

Հայկական ազգային զորամիավորումների համաստեղության մեջ արժանի տեղ է գրավում Հայկական 89-րդ հրաձգային դիվիզիան, որն իր մարտական ուղին սկսելով Կովկասի նախալեռներից, ավարտեց այն Բեռլինում, արժանանալով Թամանյան պատվավոր անվանը, պարգևատրվելով մարտական երեք շքանշաններով: Դիվիզիան կազմավորվել է Երևանում՝ ԽՍՀՄ տղա-պատանուկության պետական կոմիտեի 1941 թ. նոյեմբերի 22-ի № 935 որոշման և ԽՍՀՄ պաշտպանության ժողկոմի նոյեմբերի 28-ի № 3218 հրամանի համաձայն՝ Անդրկովկասյան ռազմաճակատի 45-րդ բանակի կազմում որպես 474-րդ հրաձգային դիվիզիա<sup>10</sup>, 1942 թ. հունվարի 5-ին ԽՍՀՄ պաշտպանության ժողկոմի № 780101 հրամանով դիվիզիան դարձավ ազգային զորամիավորում՝ ստանալով Հայկական 89-րդ հրաձգային դիվիզիա անվանումը: Կազմավորման աշխատանքներն ընթանում էին զննապետ Սիմեոն Գեվորգի Զաքիյանի հրամանատարությամբ: 1942 թ. փետրվարին Ղրիմի ռազմաճակատի հրամանատարության խնդրանքով զննապետ Ս. Գ. Զաքիյանը

<sup>9</sup> Книга о героях, с. 97—98.

<sup>10</sup> Դիվիզիայի մարտական ուղու մասին ավելի մանրամասն տե՛ս Է. Ա. Հարությունյան. 51-րդ գվարդիական դիվիզիայի մարտական ուղին. Երևան, 1980:

<sup>11</sup> ՌԴ ՊՆՎԱ, ֆ. 56 ց. 12214, դ. 743, թ. 48:

նշանակվեց Ղրիմում կազմավորվող Հայկական 390-րդ հրաձգային դիվիզիայի հրամանատար: Փետրվարի 23-ին նրան փոխարինեց փոխգնդապետ Անդրանիկ Սարգսի Սարգսյանը: Գնդերի հրամանատարներ նշանակվեցին մայորներ՝ Միքայել Ալեքսանդրի Սիրունյանը (390-րդ հրաձգային գունդ), Սուքիաս Ասլանի Ասլանյանը (400-րդ հրաձգային գունդ), Սեպուհ Հարությունի հանջյանը (526-րդ հրաձգային գունդ), Գուրգեն Սերգեյի Բաղիրովը (531-րդ հրետանային գունդ): Առանձին ստորաբաժանումների հրամանատարներ նշանակվեցին մայորներ Նիկոլայ Լեոնի Ադամյանը (280-րդ առանձին սակրավոր գումարտակ), Մովսես Արշակի Հովհաննիսյանը (167-րդ առանձին ականանետային դիվիզիոն), կապիտան Միսաք Համբարձումի Սարգսյանը (476-րդ առանձին կապի գումարտակ), ավագ քաղղեկ Վաչագան Վահանի Բայբուրթյանը (197-րդ առանձին բժշկասանիտարական գումարտակ) և ուրիշներ<sup>12</sup>:

1942 թ. հունվարի 12-ին հայերեն լեզվով լույս տեսավ դիվիզիայի քաղաքաժնի «Կարմիր զինվոր» թերթը՝ սկզբում ներսես Ոսկանի Կազրամանովի, ապա՝ Գուրգեն Հարությունյանի և Սիմոն Սարգսի Նալբանդյանի խմբագրությամբ:

1942 թ. օգոստոսի 5—8-ը Անդրկովկասյան ռազմաճակատի 45-րդ բանակի հատուկ հանձնաժողովը ստուգեց դիվիզիայի ընդհանուր վիճակը և գտավ, որ միավորումը մարտունակ է և պատրաստ ռազմաճակատ մեկնելու: Ռազմաճակատ մեկնելու նախօրյակին դիվիզիան իր շարքերում ուներ 11782 մարդ՝ հաստիքով նախատեսված 12807-ի փոխարեն: Նրանցից 11674-ը հայեր էին, 50-ը՝ ռուսներ, 12-ը՝ ուկրաինացիներ, 3-ը՝ վրացիներ, 2-ը՝ ադրբեջանցիներ, 41-ը՝ այլազգիներ: Ինչպես տեսնում ենք, հայերը կազմում էին դիվիզիայի ողջ անձնակազմի 99,1 տոկոսը<sup>13</sup>: Պատերազմի ժամանակ այս կազմը մնաց համարյա անփոփոխ և հայերը միշտ էլ կազմել են ողջ անձնակազմի բացարձակ մեծամասնությունը:

Օգոստոսի 8—11-ը դիվիզիայի զորամասերը Երևանից երկաթուղով փոխադրվում են Գրոզնի, որտեղ սկզբից մտնում են Անդրկովկասյան ռազմաճակատի Հյուսիսային զորախմբի 24-րդ, իսկ օգոստոսի 18-ից՝ 9-րդ բանակի կազմի մեջ: Դիվիզիան պաշտպանական դիրքեր է զբաղում Թերեքի աջ ափին՝ Բենո Ցուրտ—Թերեք—Բալաշով տեղամասում, ետ մղում հակառակորդի տանկերի գրոհները, միաժամանակ պատրաստվելով վճռական հարձակման: Սեպտեմբերի 26-ին, հրետանային նախապատրաստությունից հետո, դիվիզիայի զորամասերն աջակցող ուժերի հետ միասին անցնում են հարձակման՝ նպատակ ունենալով ազատագրել Թերեք, Թերսկոյե և Պրեդմոստնի ավանները: Չնայած 4-օրյա կատաղի մարտերում դիվիզիայի զորամասերին չհաջողվեց ազատագրել այդ ավանները, բայց և այնպես փակվեց թշնամու ճանապարհը դեպի Գրոզնի: Հոկտեմբերի սկզբներին դիվիզիան դուրս բերվեց բանակի ռեզերվ, որտեղ համալրվեց նոր ուժերով: Այդ շրջանում դիվիզիայի հրամանատար նշանակվեց գնդապետ Արտաշես Արշակի Վասիլյանը, փորձված մի զինվորական, որը նույնպես Հայկական 76-րդ լեռնահրաձգային դիվիզիայի կադրերից էր, 1933—1934 թթ. եղել էր Հայկական 4-րդ լեռնահրաձգային երկրային գնդի հրամանատար:

Սկսած 1942 թ. հոկտեմբերի 21-ից մինչև դեկտեմբերի վերջերը դիվիզիայի զորամասերը Մալգոբեկի տակ հաջողությամբ ետ էին մղում հակառակորդի գրոհները՝ թույլ չտալով նրան ճեղքել—անցնել դեպի Գրոզնի: Այդ ժամանակ դիվիզիան մտնում էր սկզբում 44-րդ, ապա՝ 58-րդ բանակի կազմի մեջ:

12 Տե՛ս 89-րդ թամանյան կարմրագործ, Կուտուզովի 2-րդ աստիճանի, Կարմիր աստղի շքանշանակիր հայկական հրաձգային դիվիզիայի մարտական ուղին (1942—1945 թթ.), փաստաթղթերի և նյութերի ժողովածու. Երևան, 1985, էջ 677—685:

13 ՌԴ ՊՆԿԱ, ֆ. 45-րդ բանակի, ց. 9458, գ. 24, թթ. 496—504:

1943 թ. հունվարի 1—10-ը հիվիլիցիան հարձակողական մարտերով կրընկակոխ հետապնդում էր թշնամուն: Հունվարի 2-ին նրա զորամասերը ազատազրում են Մալգոբեկ քաղաքը, 4-ին՝ Համիթիա բնակավայրը, 6-ին՝ գետացում Թերեզը և 10-ին հասնում Սուլթանսեկայա: Շարունակելով հակառակորդի հետապնդումը հյուսիս-արևմտյան ուղղությամբ, հիվիլիայի զորամասերը 58-րդ բանալի երկրորդ էշելոնում հունվարի 10-ից մինչև փետրվարի 9-ը առաջ են շարժվում Գեորգիեպոլ, Մինեդալնիս Վեդի, Ստավրոպոլ, Տիխոբեցի, Գարուդովա քաղաքներով: Հասնելով Գարեգուովայա քաղաք, հիվիլիցիան շուտ է բերվում Բանալի առաջին էշելոն և մարտական առաջադրանք բաժնում՝ երկու զորքերով՝ բաժնի նովո-Ջիրեյիևկայա բնակավայրը ու Ելատրաստ լիճի 17-րդ հիվիլիայի հետ հարձակվելու Ռոտմուկայի ուղղությամբ: Մյուս զորքը պետք է պաշտպանություն զուգակց հողերի շրջանում, աղեկլիցի և հարավ-արևելքից ապահովեր բանակի ձախքնը: Սակայն թշնամու բարձրագույն տանկերի հարձակման հետևանքով փետրվարի 9—10-ին ռիվիլիցիան ծանր կորուստներ է կրում: Թշնամու տանկի դեմ մենամարտում, դեռ ձեռքին հեղուսաբար չոհվում է հիվիլիցիայի դամանատար, լեդուպետ Մարտշես Վալիլյանը: Նրա հետ միասին քաջի մահով ընկնում են 390-րդ հրաձգային գնդի հրամանատար, մայոր Գուրեչին Խախալյանը, 400-րդ հրաձգային գնդի հրամանատարի քաղցածով տեղակալ, մայոր Սուրեն Բաղդասարյանը և շատ ուրիշներ: Չնայած ծանր կորուստներին, որը հետևանք էր բանակի հետախուզության սխալ տվյալներին, հիվիլիցիայի զորամասերը այնուամենայնիվ ազատագրեցին նովո-Ջիրեյիևկայան<sup>14</sup>:

Կարճ ժամանակամիջոցում որոշ չափով համալրվելով՝ հիվիլիցիան փետրվարի 15-ին պաշտպանական դիրքեր է բրավորում Լիմաննո-Կիրայիլի, Կուլբիշևսկի բնակավայրերի հարավային և հարավ-արևմտյան շրջաններում: Սակայն նշված բնագծում հիվիլիցիան երկար չի մնում: Փետրվարի 19-ին ստանալով 58-րդ բանակի հրամանատարություն կարգադրությունը, նրա զորամասերը նոր հրամանատար, գնդապետ Նվեր Գևորգի Սաֆարյանի<sup>15</sup> գլխավորությամբ, երթով շարժվում են դեպի Ազովի ծովի ափին գտնվող Նյակ քաղաքը և փետրվարի 25-ից պաշտպանական դիրքեր գրավում Տագանրոգյան ծովածոցի երկայնքով՝ Մարգարիտովկա—Ստարո-Շչերբինովկա բնագծում: Այստեղ հիվիլիցիան մնում է մինչև 1943 թ. օգոստոսի վերջերը, ստանում լիարժեք համալրումներ և, Տագանրոգյան ծոցի ափերի պաշտպանության հետ մեկտեղ, նախապատրաստվում հարձակողական մարտերի: Օգոստոսի վերջերին հիվիլիցիայի զորամասերը երկաթուղով փոխադրվում են հարավ և սեպտեմբերի սկզբներին Հյուսիս-կովկասյան ռազմաճակատի 18-րդ բանակի կազմում ելման դիրքեր գրավում Թամանյան թերակղզու՝ Շապուրսկայա, Նիկոլաևսկի, Գապոնովսկի, Նիժնի Բականսկի բնակավայրերի, Սախարայա գոլովսի բարձունքի և Դուգայա լեռան շրջաններում:

Սեպտեմբերի 9-ից մինչև հոկտեմբերի 4-ը հիվիլիցիայի զորամասերը հարձակողական մարտեր էին մղում հակառակորդի դեմ՝ մեկը մյուսի հետևից ճեղքելով թշնամու ամրակուռ պաշտպանական գիծը, որը բաղկացած էր իրար հաջորդող 7 շերտերից: Այդ մարտերում ցուցաբերած անօրինակ սխիստանքները համար հիվիլիցիայի անձնակազմից Խորհրդային Միության հերոսի

14 Նովո-Ջիրեյիևկայայի ազատագրման 35-ամյակի առթիվ, ի պատիվ բնակավայրն ազատագրողների, 1978 թ. ավանի փողոցներից մեկը վերանվանվել է Հայկական 89-րդ հրաձգային հիվիլիցիայի անվան:

15 Ն. Գ. Սաֆարյանը հիվիլիցիայի հրամանատար է նշանակվել 1943 թ. փետրվարի 19-ին: Նա նույնպես Հայկական 76-րդ լեռնահրաձգային հիվիլիցիայի կազմակերպիչ էր: 1936 թ. մայիսի 29-ին հիվիլիցիայի 2-րդ լեռնահրաձգային վաշտի հրամանատար-քաղաքի եղած ժամանակ պարգևատրվել էր «Պատվո նշան» շքանշանով:

կոչման են արժանանում ավագ սերժանտներ Հունան Մակիչի Ավետիսյանը, Սուրեն Սմբատի Առաքելյանը և շարքային Զահան Սարգսի Կարախանյանը<sup>16</sup>։

Թամանյան թերակղզին գերմանաֆաշիստական զավթիչներից մաքրելու մարտական գործողությանն ամենակտիվ կերպով մասնակցելու և այդ ընթացքում ուղղաթիռաբաժ արիության համար Գերագույն զխավոր հրամանատարի 1943 թ. հոկտեմբերի 9-ի հրամանով դիվիզիային շնորհվում է Թամանյան պատվավոր անվանում<sup>17</sup>։ Նույն թվականի դեկտեմբերի 21-ին դեկտեմբեր-մայրի կոչում է շնորհվում նվեր Սաֆարյանին։

Թամանի ադատագրումից հետո Հայկական 89-րդ Թամանյան հրաձգային դիվիզիան եռանդուն նախապատրաստվում է մարտեր մղելու Կերչում և Ղրիմում։ Նոյեմբերի 21—25-ը նրա զորամասերը Կերչի ինդուլգով լուսադրվում են թիշակղզի և Առանձին մերձծովյան բանակի ետմում 1943 թ. դեկտեմբեր—1944 թ. հունվար-ապրիլ ամիսներին մասնակցում Կերչ թերակղզու ադատագրմանը։ Կերչ քաղաքի ադատագրման համար մղված մարտերում հրամանատարության առաջադրանքներն օրինակելիորեն կատարելու և առ ընթացքում ուղղաթիռաբաժ արիության ու ճաշության համար ուղիղիան հետո Գերագույն խոհրդի նախագահության 1944 թ. ապրիլի 24-ի հրամանագրով պարգևատրվում է Կարմիր աստղի շքանշանով<sup>18</sup>։

1944 թ. ապրիլի 11-ից մինչև մայիսի 12-ը դիվիզիան Մերձծովյան բանակի 3-րդ լեռնահրաձգային կորպուսի կազմում մասնակցում է Ղրիմի թերակղզու և հատկապես Սևաստոպոլի ադատագրմանը։ Այդ ընթացքում հրամանատարության առաջադրանքներն օրինակելիորեն կատարելու և ցուուսբերած հերոսության, տոկունության ու արիության համար դիվիզիան հետո Գերագույն խոհրդի նախագահության 1944 թ. մայիսի 24-ի հրամանագրով պարգևատրվում է Կարմիր դրոշի շքանշանով, իսկ նրա 390-րդ և 400-րդ հրաձգային գնդերը՝ Գերագույն զխավոր հրամանատարի 1944 թ. մայիսի 24-ի հրամանով ստանում են Սևաստոպոլյան պատվավոր անվանում<sup>19</sup>։ Մայիսի 7—12-ը՝ Սևաստոպոլի համար մղված մարտերում առավել աչքի ընկած ավագ սերժանտներ Այդին Հարությունի Հարությունյանին, Վարդգես Արշակի Ոոստոմյանին, Հարություն Ռուբենի Մկրտչյանին, լեյտենանտներ Սիմոն Կարապետի Բաղդասարյանին և հորեն Արմենակի Խաչատրյանին հետո Գերագույն խոհրդի նախագահության 1945 թ. մարտի 24-ի հրամանագրով շնորհվեց հորհրդային Միության հերոսի կոչում<sup>20</sup>։ Սևաստոպոլի հերոսամարտերից հետո դիվիզիայի զորամասերը մինչև օգոստոսի վերջերը մնում են Ղրիմում, կատարելագործում իրենց մարտական վարպետությունը և, միաժամանակ, մասնակցում հացահատիկի բերքահավաքի աշխատանքներին։

1944 թ. օգոստոսի 30-ից դիվիզիայի զորամասերը փոխադրվում են Լեհաստան և սեպտեմբերի 12-ին կենտրոնանալով Մելնիկ, Ադամովա զատավա շրջանում մտնում են 1-ին Բելոռուսական ռազմաճակատի 33-րդ բանակի 16-րդ հրաձգային կորպուսի կազմի մեջ։ Մինչև հոկտեմբերի կեսերը դիվիզիայի զորամասերը վարժվում էին հակառակորդի դիրքային պաշտպանությունը ճեղքելուն։ Հոկտեմբերի 19—26-ը նրանք տեղափոխվում են Լյուբլինիո 6 կմ հարավ-արևելք ընկած Կոմասագիայի շրջան, իսկ 1945 թ. հունվարի 5-ին՝ Վարշավայից հարավ, Վիսլա գետի ձախ ափին գտնվող Պուլավի հենակետը։ Հունվարի 14—29-ը դիվիզիայի զորամասերը հարձակողա-

16 Դիվիզիայի առաջին հերոսներին այդ բարձր կաշումը շնորհվել է հետմահու՝ հետո Գերագույն խոհրդի նախագահության 1944 թ. մայիսի 16-ի հրամանագրով։

17 ՌԴ ՊՆԿԱ, ֆ. 89-րդ դիվիզիայի, ց. 2 գ. 31 թ. 277։

18 Նույն տեղում, թ. 276։

19 Նույն տեղում, թ. 277։

20 ՌԴ ՊՆԿԱ, ֆ. 33, ց. 793756, գ. 3, թ. 165, գ. 46, թ. 125, գ. 32, թ. 12, գ. 4, թ. 49, գ. 51, թ. 142։

կան հաշող մարտեր են մղում անտառներում, առանձին հենակետներում և բնակավայրերում՝ շրջապատված հակառակորդի խմբավորումների ոչնչացման նպատակով: Առանձնապես համառ մարտեր ծավալվեցին հունվարի 17—19-ը՝ Ռուսկի Բրուդ կոչվող բնակավայրի մոտ գտնվող անտառում՝ թըշնամու ավելի քան 6000 մարդուց բաղկացած խմբավորման ոչնչացման ժամանակ, որտեղ հերոսաբար զոհվեցին դիվիզիայի հրամանատարի շարային գծով տեղակալ, գնդապետ Գրիգոր Դարչոյի Բլբուլյանը, 531-րդ հրետանային գնդի հրամանատար, փոխգնդապետ Վասիլի Իվանովիչ Տինսկին, ժանրվիրավորվեց 390-րդ հրաձգային Սևաստոպոլյան գնդի հրամանատար, գրնդապետ Ծրվանդ Աղաջանի Կարապետյանը:

Հունվարի 29-ին դիվիզիայի ղերամասերը մարտերով անցան ֆաշիստական Գերմանիայի սահմանը: Կրնկակոխ հետապնդելով թշնամուն, նրանք փետրվարի 16-ին Օդերի Ֆրանկֆուրտից 3,5 կմ հարավ գետանցում են Օդերը և 2,5 կմ երկարությամբ ու 700—800 մ խորությամբ ունեցող հենակետ գրավում նրա ձախ ափին: Ռազմավարական կարևոր նշանակություն ունեցող այդ հենակետը դիվիզիան պաշտպանում է մինչև ապրիլի 16-ը: Ապրիլի 16-ից մինչև մայիսի 2-ը դիվիզիան 1-ին Բելոռուսական ռազմաճակատի 33-րդ բանակի, ապա 3-րդ հարվածային բանակի 38-րդ հրաձգային կորպուսի կազմում մասնակցում է Բելուինի գրավման մարտական գործողությանը: Ապրիլի 16-ի առաջօրյան անցնելով հարձակման, դիվիզիան կատարել մարտերով շարժվում է դեպի Բեռլին՝ գրավելով Ցլեցցնով և Օդերի Ֆրանկֆուրտ քաղաքները: Օդերի Ֆրանկֆուրտ քաղաքի գրավման ժամանակ ցուցաբերած քաջության համար հորհրդային Միության հերոսի կոչման է արժանանում 400-րդ հրաձգային Սևաստոպոլյան գնդի 1-ին հրաձգային գումարտակի հրամանատար, մայոր Հրանտ Գևորգի Բաբայանը<sup>21</sup>: Ապրիլի 29-ին դիվիզիան արդեն փողոցային մարտեր էր մղում Բեռլինում, որտեղ Հումբոլդ-Հայն այգում հանդիպում է պաշտպանական հզոր ամրություններ ունեցող բերդի կայազորի կատաղի դիմադրությանը: Մայիսի 2-ին ժամը 14-ին ամրոցի կայազորն անձնատուր է լինում: Դիվիզիայի ղերամասերը գերի են վերցնում գերմանական 5112 զինվոր, սպա, գրավում հարուստ ավար<sup>22</sup>:

Բեռլինի գրավման մարտերի ժամանակ հակառակորդի պաշտպանությունը ճեղքելու և ցուցաբերած սխրանքների համար Հայկական, 89-րդ Թամանյան կարմիրդրոշ Կարմիր աստղի շքանշանակիր հրաձգային դիվիզիան ԽՍՀՄ Գերագույն խորհրդի նախագահության 1945 թ. մայիսի 28-ի հրամանագրով պարգևատրվում է Կուսուզովի 2-րդ աստիճանի շքանշանով<sup>23</sup>: Բեռլինի գրավումից հետո դիվիզիան շարժվում է դեպի արևմուտք և հաղթանակը դիմավորում էլքալի ափերին:

Սկսած 1942 թ. օգոստոսի 8-ից մինչև 1945 թ. մայիսի 9-ը դիվիզիան անցավ 7250 կմ, որից 3640-ը՝ համառ մարտերով: Այդ ընթացքում նրանք ազատագրեցին ավելի քան 900 բնակավայր և 30 քաղաք: Մարտական գործողությունների ընթացքում դիվիզիայի ավելի քան 12.000 մարտիկներ ու սպաներ պարգևատրվեցին մարտական շքանշաններով ու մեդալներով: Նրանցից 9-ը արժանացան հորհրդային Միության հերոսի կոչման, իսկ 8-ը դարձան Փառքի շքանշանի երեք աստիճանների լրիվ ասպետ: 1945 թ. սեպտեմբերին դիվիզիան գեներալ-մայոր Նվեր Սաֆարյանի ռազմավորությամբ վերադարձավ Հայաստան և տեղաբաշխվեց Ծրևանում, էջմիածնում ու Քանաքեռում: Այն գոյություն ունեցավ մինչև 1956 թ. ամառը և համարվում էր

<sup>21</sup> ՌԴ ՊՆԿԱ, ֆ. 33, ց. 793756, գ. 4, թ. 30 (հերոսի կոչում է շնորհվում ԽՍՀՄ գերագույն խորհրդի նախագահության 1946 թ. մայիսի 15-ի հրամանագրով):

<sup>22</sup> ՌԴ ՊՆԿԱ, ֆ. 89-րդ հրաձգային դիվիզիայի, ց. 1, գ. 79, թթ. 125—127:

<sup>23</sup> Նույն տեղում, Տեղեկագիրք ծառայողական նպատակների համար, գույքային № 1389, էջ 270:

Անդրկովկասյան զինվորական օկրուգի առաջատար զորամիավորումներից մեկը<sup>24</sup>,

Հայրենական մեծ պատերազմի տարիներին փառապանծ մարտական ուղի անցավ նաև Հայկական 409-րդ հրաձգային դիվիզիան։ Այն կազմավորվել է ԽՍՀՄ Պաշտպանության պետական կոմիտեի 1941 թ. օգոստոսի 9-ի № 459 որոշման և Գերագույն ղեկավոր հրամանատարության զորակայանի 1941 թ. օգոստոսի 26-ի հրահանգի համաձայն, Անդրկովկասյան ռազմաճակատի 45-րդ բանակի կազմում՝ Ստեփանավան քաղաքում<sup>25</sup>, 1942 թ. փետրվարի 5-ին՝ դիվիզիան պաշտոնապես ստանում է հայկական անվանումը<sup>26</sup>։ Միավորման առաջին հրամանատարն էր գնդապետ Արտաշես Վասիլյանը, 1942 թ. փետրվարի 23-ից հայրեն լեզվով սկսեց հրատարակվել դիվիզիայի քաղաքային «Մարտական դրոշ» թերթը (խմբագիր՝ Հարություն Գաբրիելի Մկրտչյան, բարտուղար՝ Գարեգին Բախշի Սարինյան (Բես), գրական աշխատող՝ Վախթանգ Ստեփանի Անանյան)։ Դիվիզիայի կազմի մեջ մտնում էին՝ 675-րդ, 677-րդ, 684-րդ հրաձգային և 964-րդ հրետանային դնդերը, 682-րդ սակրավոր, 852-րդ կապի և 486-րդ բժշկասանիտարական առանձին կոմարտակները, հակատանկային և ղեկիթահրետանային դիվիզիոններ, այլ ստորաբաժանումներ, 1942 թ. դեկտեմբերի 2-ին դիվիզիան ձևավորվեց (Գյումրի) 17 գնացքակազմերով մեկնեց գործող բանակ և Մոզդուրի տակ մտավ Անդրկովկասյան ռազմաճակատի 44-րդ բանակի կազմի մեջ։ Այդ ժամանակ նա իր շարքերում ուներ 13837 զինվոր ու սպա, որից՝ 13460 հայ, 168 ռուս, 71 ուկրաինացի, 18 վրացի, 15 հրեա, 10 բելուսուս, 8 ադրբեջանցի և 27 այլազգիներ։ Ինչպես տեսնում ենք, դիվիզիայի անձնակազմի 97,3 տոկոսը կազմում էին հայերը<sup>27</sup>։

1942 թ. դեկտեմբերի 8-ից մինչև 1943 թ. հունվար տևած պաշտպանական մարտերում դիվիզիան կրեց ծանր կորուստներ, բայց կարողացավ կատարել բանակի հրամանատարության առաջադրանքը՝ փակել թշնամու առաջխաղացումը։ 1943 թ. հունվարի սկզբներին դիվիզիան, բանակի մյուս միավորումների հետ միասին, անցավ հարձակման։ Մինչև ապրիլ ամիս նրա զորամասերը կատարել մարտերով Թերեքի ափերից հասան մինչև Կուբանի ափերը՝ ազատագրելով Չեչենո-Ինգուշական ԻԽՍՀ-ի, Ստավրոպոլի և Կրասնոդարի երկրամասերի բազմաթիվ քաղաքներ, գյուղեր ու բնակավայրեր։ Այդ մարտերում դիվիզիան մարտնչում էր 44-րդ, 58-րդ, 37-րդ, 9-րդ և 46-րդ բանակների կազմում<sup>28</sup>։ Ապրիլի սկզբներին դիվիզիայի զորամասերը փոխադրվեցին Դոնի-Ռոստովի մարզի Միլլերովոյի շրջան, որտեղ մնացին մինչև հուլիսի 12-ը, իսկ այնուհետև տեղափոխվեցին Խարկովի մարզ։ Սկսած օգոստոսի 24-ից դիվիզիայի զորամասերը թշնամու դեմ հարձակողական մարտեր էին մղում Խարկով—Լոգովայա երկաթգծի ուղղությամբ։ Սեպտեմբերի 20-ին Նովո-Պոդկրյատ, Մոզիլ—2, Մուդուկա, Դոմոտկան բնակավայրերից հյուսիս-արևելք դիվիզիայի զորամասերը հակառակորդի ավիացիայի ու մեքանիզացիայի տակ գետնացեցին Դնեպրը և մարտերը շարունակեցին նրա աջ ափին։ Ապա դիվիզիան, մարտերով ազատագրելով մի շարք բնակավայրեր, մոտեցավ Կրիվոյ Ռոգին։ Հետագայում դիվիզիան 7-րդ գվարդիական բանակի կազմում հատկապես աչքի ընկավ Կիրովոգրադ քա-

24 Դիվիզիայի մարտական ուղու մասին ավելի մանրամասն տե՛ս Ս. Մ. Նալբանդյան, Թամանցիները. Երևան, 1960։ Ղ. Մ. Դալլաբյան, Մարտական 89. Երևան, 1966։ Ե. Ս. Կարապետյան, Անհաղթի ճանապարհով. Երևան, 1969։ Ս. Մ. Հակոբյան, Հերոսական մարտերում. Երևան, 1975։ Խ. Հ. Բարսեղյան, Կրակների միջով. Երևան, 1982։

25 ՌԴ ՊՆՎԱ, ֆ. 56, ց. 12214, գ. 997, թթ. 136—137։

26 Նույն տեղում, ֆ. Անդրկովկասյան զինվորական օկրուգի, ց. 13185, գ. 12, թթ. 1—2։

27 Նույն տեղում, ֆ. 45-րդ բանակի, ց. 9448, գ. 12, թթ. 209—210։

28 Նույն տեղում, ֆ. 409-րդ հրաձգային դիվիզիայի, ց. 1, գ. 1, թթ. 4—5։

զաքի համար մղված մարտերում, որն ազատագրվեց 1944 թ. հունվարի 7-ին, Հաջորդ օրը Գերագույն գլխավոր հրամանատարի հրամանով 409-րդ դիվիզիային շնորհվեց Կիրովոգրադյան պատվավոր անվանում<sup>29</sup>, Կիրովոգրադի ազատագրման համար մղված մարտերում հերոսաբար զոհվեցին դիվիզիայի բազմաթիվ ռազմիկներ, նրանց թվում նաև 964-րդ հրետանային գնդի հրամանատար, փոխգնդապետ Սարգիս Ղազարյանը:

1944 թ. փետրվարի 7-ին դիվիզիայի հրամանատար նշանակվեց գեներալ-մայոր Եվստաֆի Պետրովիչ Գրեչանին, որն այդ պաշտոնում մնաց մինչև Հայրենական պատերազմի հաղթական ավարտը: Նրա գլխավորությամբ շարունակելով հարձակումը Կիրովոգրադից հարավ-արևմտյան ուղղությամբ, դիվիզիայի զորամասերը մասնակցեցին Պոմոշնայա և Նովոուկրաինկա երկաթուղային խոշոր կայարանների ազատագրմանը, որի համար ԽՍՀՄ Գերագույն խորհրդի նախագահության 1944 թ. մարտի 29-ի հրամանագրով դիվիզիան պարգևատրվեց Բոգդան Խմելնիցկու 2-րդ աստիճանի շքանշանով<sup>30</sup>, Ալեքսեյովիչի դիվիզիան ակտիվորեն մասնակցեց Յասսի-Քիշինևյան գործողությանը՝ Քիշինևի ուղղությամբ, Դիվիզիայի խոշոր նվաճումն էր Բախուշի շրջանում ֆաշիստական զորքերի մնացորդների վերացումը: Գործողության ավարտից հետո, դիվիզիայի զորամասերը Խուսինիայի տարածքում հետապնդելով հակառակորդի նահանջող ուժերին, սեպտեմբերի վերջերին դուրս եկան Հունգարիայի պետական սահմանը, որից հետո 2-րդ Ուկրաինական ռազմաճակատի 53-րդ բանակի կազմում 1944 թ. հոկտեմբերի 6—28-ը մասնակցեցին Դեբրեցենյան մարտական գործողությանը: Նրանք հունգարական Կունագոտա և Մեգեկովաչհադա բնակավայրերի մոտ ճեղքեցին հակառակորդի պաշտպանությունը և հոկտեմբերի 9-ին Տոսեգ, Տիսսա-Վարկոն բնակավայրերի շրջանում հաղթահարելով Տիսսա գետը, հենակետ գրավեցին նրա աջ ափին: Մինչև հոկտեմբերի 16-ը դիվիզիայի զորամասերը իրենց ձեռքում էին պահում հենակետը: Ալեքսեյովիչի պաշտպանությունը նրանք հանձնեցին մեկ այլ միավորման և տեղափոխվեցին Տյորեկսենտմիկլոշ քաղաքից արևմուտք: Հոկտեմբերի 13-ին հակառակորդը, այդ տեղամասում կենտրոնացնելով ուժեր, տակերի ու զրահատրանսպորտորենների աջակցությամբ դիմեց հակազդուհի: Թշնամուն հաջորդեց ճեղքել դիվիզիայի պաշտպանությունը և մինչև հոկտեմբերի 20-ը դուրս գալ նրա թիկունքը: Սակայն դիվիզիան անկորուստ դուրս եկավ շրջապատումից և հոկտեմբերի 23-ին կենտրոնացավ Խեկի շրջանում: 1944 թ. հոկտեմբերի 29-ից մինչև 1945 թ. փետրվարի 13-ը դիվիզիան աչքի ընկավ նաև Բուդապեշտյան մարտական գործողության ժամանակ՝ գործելով 7-րդ գվարդիական բանակի 25-րդ գվարդիական հրաձգային կորպուսի կազմում, հոկտեմբերի 31-ին նրա զորամասերը կրկին հաղթահարեցին Տիսսան, ապա Զադվա գետը և գրավեցին Պուստամոնոշտոր քաղաքը, որը գտնվում էր Բուդապեշտի արևելյան մատույցներում: Շարունակելով առաջխաղացումը, դեկտեմբերի 9-ին դիվիզիան արդեն մարտեր էր մղում Բուդապեշտի Ֆոտարվարձանում<sup>31</sup>:

Դիվիզիան ակտիվորեն մասնակցեց նաև Զեխսլովակիայի ազատագրման մարտերին, հատկապես աչքի ընկավ 1945 թ. ապրիլի 4-ին Սլովակիայի մայրաքաղաք Բրատիսլավայի ազատագրման ժամանակ՝ արժանա-

29 Приказы Верховного Главнокомандующего в период Великой Отечественной войны Советского Союза. М., 1975, с. 99—102.

30 409-րդ հրաձգային Կիրովոգրադյան-Բրատիսլավյան Բոգդան Խմելնիցկու շքանշանակիր հայկական դիվիզիայի մարտական ուղին (1941—1945 թթ.), փաստաթղթերի և նյութերի ժողովածու. Երևան, 1980, էջ 19.

31 Հունգարիայում դիվիզիայի մարտական գործողությունների մասին ավելի մանրամասն տե՛ս Կ. Ա. Հարությունյան, Հայ ռազմիկները Հունգարիայի և Ավստրիայի ազատագրման մարտերում (1944—1945 թթ.), Երևան, 1990.

նալով Գերագույն զլխավոր-հրամանատարի շնորհակալությանը և Բրատիսլավյան պատվավոր անվանման: Բրատիսլավայից հետո դիվիզիայի զորամասերը 1945 թ. մայիսի 6—11-ը ակտիվորեն մասնակցեցին Պրագայի մարտական գործողությանը և իրենց ուղին ավարտեցին Զեխոսլովակիայի մայրաքաղաքի մատույցներում՝ Ստրիտե-Պետրովկի շրջանում, որտեղ և դիմավորեցին հաղթանակը<sup>82</sup>: Դրանից հետո դիվիզիան տեղափոխվեց Ավստրիա, ապա՝ Հունգարիա, ուր 7-րդ զվարդիակա բանակի հրամանատարի 1945 թ. հուլիսի 2-ի № 0177 հրամանի համաձայն կազմացրվեց<sup>83</sup>:

Խորհրդային Հայաստանի տարածքում կազմավորված մյուս հայկական ազգային զորամիավորումը 408-րդ ճրագային դիվիզիան էր: Այն կազմավորվեց ԽՍՀՄ Պաշտպանության պետական կոմիտեի 1941 թ. օգոստոսի 9-ի № 459 որոշման համաձայն՝ վաղարշապատում (էջմիածին), ապա՝ Երևանում<sup>84</sup>: Դիվիզիան մտնում էր Անդրկովկասյան ռազմաճակատի 45-րդ բանակի մեջ, բաղկացած էր երեք հրաձգային՝ 663-րդ, 670-րդ, 672-րդ և մեկ հրետանային՝ 963-րդ գնդերից, 681-րդ սակրավոր, 851-րդ կապի և 485-րդ բժշկասանիտարական առանձին գումարտականներից և այլ ստորաբաժանումներից: 1942 թ. մարտին դիվիզիան պաշտոնապես ստացավ Հայկական անվանում<sup>85</sup> և սկսեց համալրվել հիմնականում հայերով: Ռազմաճակատ մեկնելուց առաջ, 1942 թ. սեպտեմբերի 25-ի դրությամբ, դիվիզիայի անձնակազմը բաղկացած էր 11463 մարդուց, որից հայեր՝ 11125, ռուսներ՝ 210, ուկրաինացիներ՝ 67, հրեաներ՝ 15, վրացիներ՝ 11, այլազգիներ՝ 35 հոգի<sup>86</sup>: 1942 թ. մարտի 15-ից հրատարակվեց դիվիզիայի «Հանուն հայրենիքի» թերթը՝ հայերեն լեզվով, շաբաթական երեք անգամ: Թերթի խմբագիրն էր ավագ քաղղեկ Արշավիր Մնացականի Հակոբյանը, քարտուղարը՝ Սուրեն Երվանդի Հակոբյանը (երկուսն էլ հետագայում ռաբձան պատմական գիտությունների դոկտոր, պրոֆեսոր), որին մի քանի ամիս անց փոխարինեց բաղղեկ Գևորգ Արմենակի Հայրյանը (հետագայում բանասիրական գիտությունների դոկտոր, պրոֆեսոր): Ռազմաճակատ մեկնելուց առաջ դիվիզիայի հրամանատարն էր կադրային զինվորական, էնդեպետ Պավել Նիկոլաևիչ Կիցուկը, զինվորական կոմիսարը՝ Ա. Մ. Ամիրջանովը, քաղաքային պետը՝ ավագ գումարտակար Վ. Մ. Միստի Միստի Սարգսյանը (հետագայում գեներալ-պետ, պատմական գիտությունների թեկնածու), հրետանու պետը՝ մայոր Ս. Գ. Վարդանյանը: Գնդերի հրամանատարներն էին մայորներ՝ Սուրեն Հովհաննեսի Բաբայանը (663-րդ գունդ), Սերոբ Միսաքի Աղիզյանը (670-րդ գունդ), Տիգրան Գաբրիելի Սալադյանը (672-րդ գունդ) և Արամայիս Սարգսի Եփրեմյանը (963-րդ հրետանային գունդ), 485-րդ առանձին բժշկասանիտարական գումարտակի հրամանատարն էր 2-րդ կարգի զինվորական բժիշկ Արծրուն Սարգսի Կծոյանը (հետագայում բժշկական գիտությունների դոկտոր, պրոֆեսոր), կոմիսարը՝ ավագ քաղղեկ Երվանդ Մկրտչի Խալեյանը (հետագայում պատմական գիտությունների թեկնածու) և այլն:

Խորհրդային Հայաստանի պետական և կուսակցական մարմինները մըշտապես դիվիզիան պահում էին իրենց ուշադրության կենտրոնում, այն համալրում լավագույն կադրերով: Այսպես, օրինակ, դիվիզիայի շտաբի կոմիսար նշանակվեց Երևանի ռուսաց լեզվի և գրականության ինստիտուտի տնօրեն, ավագ քաղղեկ Անդրանիկ Իսահակյանը, քաղաքային պետի տեղակալ՝ Երևանի պետական համալսարանի ռեկտոր, ՀԽՍՀ Գերագույն խորհրդի պատ-

82 Ավելի մանրամասն տե՛ս Կ. Ա. Հարությունյան. Հայ ռազմիկները Զեխոսլովակիայի ազատագրման համար մղված մարտերում (1944—1945 թթ.). Երևան, 1983:

83 ՌԴ ՊՆԿԱ, Տեղեկագիրք՝ հրաձգային դիվիզիաների կազմավորման, վերակազմավորման, ենթակայության և մարտական կազմի մասին, գույքային թիվ 6393, էջ 727:

84 Նույն տեղում, ֆ. 58, ց. 12214, 996, ք. 148:

85 Նույն տեղում, ֆ. 45-րդ բանակի, ց. 28507, գ. 1, ք. 86:

86 Նույն տեղում, ֆ. 408-րդ հրաձգային դիվիզիայի, ց. 1, գ. 13, ք. 1—5:

գամավոր, ֆիզիկա-մաթեմատիկական գիտությունների թեկնածու, ավագ քաղաքական գործիչ Բախշի Պետրոսյանը (Հետագայում ֆիզիկա-մաթեմատիկական գիտությունների դոկտոր, պրոֆեսոր), քաղաքական պրոպագանդայի գծով ավագ հրահանգիչ՝ ԽՍՀՄ գիտությունների ակադեմիայի հայկական մասնաճյուղի պատմության և նյութագիտության ինստիտուտի տնօրեն, ավագ քաղաքական Մկրտիչ Գեղամի Ներսիսյանը (Հետագայում պատմական գիտությունների դոկտոր, պրոֆեսոր, Հայաստանի ԳԱ ակադեմիկոս, փոխպրեզիդենտ, Նրևանի պետական համալսարանի ռեկտոր) և ուրիշներ:

Մինչև ռազմաճակատ մեկնելը դիվիզիայի հիմնական խորհրդարան-թուղթական սահմանի մի հատվածի պաշտպանությունն էր՝ Անի քաղաքի ավերակների դիմացից մինչև Դվին ընկած 95 կմ տեղամասում, ինչպես նաև ռազմաճակատի համար երթային վաշտերի պատրաստումն ու ուղարկումը: Մինչև ռազմաճակատ մեկնելը դիվիզիան գործող բանակ ուղարկեց ավելի քան 10 000 մարտիկներ, հրամանատարներ ու քաղաշխատողներ<sup>87</sup>:

1942 թ. սեպտեմբերի 11—18-ը դիվիզիայի զորամասերը երկաթուղով փոխադրվեցին Փոթի (Վրաստան), այնտեղից էլ նավերով Սև ծովի վրայով՝ Տուապսե, որտեղից կատարելով հետիոտն երթային արշավ, ելման դիրքեր գրավեցին Նովոռոսիյսկի շրջանում՝ Ցեմեսի և Լիբացկի ծովախորշերի ու Կաբարդինկա տեղամասում: Դիվիզիան մտավ Անդրկովկասյան ռազմաճակատի Սևծովյան զորախմբի 47-րդ համազորային բանակի կազմի մեջ<sup>88</sup>, որի հրամանատարը գեներալ-լեյտենանտ Ա. Ա. Գրեչկոն էր (Հետագայում Խորհրդային Միության մարշալ): Սեպտեմբերի 23-ին, երբ դիվիզիայի 670-րդ գնդի վերջին զորաշարքերն էին ափ իջեցվում Գելենջիկի մոտակայքում, նրանց վրա օդից հարձակվեցին ֆաշիստական 9 ուժակոծիչներ: Առաջին իսկ վայրասլաց թռչիքի ուժակոծման հետևանքով զոհվեցին գերանաբերի հետ մեծամարտի բռնված գեներալին գնդացրի անձնակազմի անդամները: Զոհված մարտիկներին փոխարինեցին լեյտենանտ Վ. Պողոսյանը, ավագ քաղաքական Մկրտիչ Ներսիսյանը և ուրիշներ: Նրկար հերթազարկով նրանք ցած գցեցին հակառակորդի ինքնաթիռներից մեկը և հարկադրեցին մյուսներին բարձրություն հավաքել<sup>89</sup>:

1942 թ. սեպտեմբերի 25-ի առավոտյան 47-րդ բանակի զորքերը, հրետանային ու ավիացիոն նախապատրաստությունից հետո, անցան հարձակման և մինչև ամսի 27-ը տեղադրված մարտերում գրեթե ամբողջությամբ ոչնչացրին 3-րդ ռումինական լեռնահրաձգային դիվիզիան: Դրանից հետո դերմանաֆաշիստական զորքերը Նովոռոսիյսկի ուղղությամբ անցան պաշտպանություն, և այլևս այստեղ խոշոր ուժերով հարձակվելու փորձեր չարեցին: Այսպիսով, շնորհիվ 47-րդ բանակի ջանքերի, որում արժանի ավանդ ունեն նաև Հայկական 408-րդ հրաձգային դիվիզիան, ձախողվեց Նովոռոսիյսկի վրայով Անդրկովկաս ներխուժելու հիտլերյան պլանը: Գործելով հարձակման գլխավոր ուղղությամբ՝ Աբին դետի երկայնքով դեպի Կրասնայա Պրեդա և Սկաժյոննայա բաբա բնակավայրերը, դիվիզիայի զորամասերը համառ մարտերում թշնամուն հասցրին ուժեղ հարվածներ՝ նրան ստիպելով ետ քաշվել դեպի Աբինսկայա: Հետապնդելով թշնամուն, դիվիզիայի 672-րդ հրաձգային գունդը ազատագրեց Չումատովո, Էրիվանսկի, Լինդրով, Գրեչկի 1-ին, Կրասնայա պրեդա բնակավայրերը: Սեպտեմբերի 27-ին հակառակորդը էրիվանսկի և Լինդրովի ուղղությամբ դիմեց հակազորահի, բայց հանդիպելով ուժեղ հակահարվածի, վերջնականապես ետ շարժու-

87 Ա. Մ. Հակոբյան. Հերոսական մարտերում. Երևան, 1975, էջ 10:

88 ՄԴ ՊՆԿԱ, ֆ. 408-րդ հրաձգային դիվիզիայի, ց. 1, գ. 13, թթ. 1—5:

39 С. М. Саркисян. 408-я Армянская стрелковая дивизия в битве за Кавказ, Ереван, 1985, с. 41.

վեց<sup>40</sup>, Գնդի հրամանատար, մայոր Տիգրան Սայադյանը դիվիզիայում առաջիններից մեկը պարգևատրվեց Կարմիր դրոշի շքանշանով<sup>41</sup>։

Նովոռոսիյսկի տակ պարտություն կրելուց հետո, գերմանաֆաշիստական հրամանատարությունը որոշեց փոխել հարձակման ուղղությունը և հիմնական ջանքերը կենտրոնացնել Տուապսեի ուղղությամբ։ Թշնամու մտադրությունը խափանելու նպատակով խորհրդային զորքերի Սևծովյան խմբավորման հրամանատարությունն անհրաժեշտ միջոցառումներ ձեռնարկեց Տուապսեի ուղղությամբ գործող իր բանակներն ուժեղացնելու և Տուապսեի պաշտպանական շրջանի ամրապնդման համար։ Մասնավորապես ուժեղացվեց 18-րդ բանակը, որի մեջ մտցվեցին մի շարք նոր միավորումներ, այգ թվում նաև Հայկական 408-րդ հրաձգային դիվիզիան։ Դիվիզիայի փոխադրման հրամանը տրվեց սեպտեմբերի 28-ին՝ 47-րդ բանակի հրամանատար գեներալ-լեյտենանտ Ա. Ա. Գրեչկոյի կողմից։ Այդ հրամանի համաձայն դիվիզիայի հիմնական ուժերը, առանց 672-րդ հրաձգային գնդի, 963-րդ հրետանային գնդի 1-ին և 2-րդ դիվիզիոնների և վարժական գումարտակի<sup>42</sup>, մինչև հոկտեմբերի 2-ը նավերով փոխադրվեցին Տուապսեի պաշտպանական շրջան, որտեղ անցան 18-րդ բանակի հրամանատարի օպերատիվ ենթակայության տակ։ Հոկտեմբերի 3-ին, դիվիզիայի հրամանատարը մարտական առաջադրանք ստացավ շարժվել դեպի Փշիշ գետի հովիտը, պաշտպանություն գրավել Ալթուրինալ բնակավայրի շրջակայքի վրա իշխող բարձունքների շրջանում, թույլ չտալ հակառակորդի ճեղքումը Փշիշի հովտում և առաջխաղացումը դեպի Տուապսե Տիսոնովկա—Տուապսե խճուղով։ Կատարելով հրամանը, դիվիզիան հոկտեմբերի 4-ին մտավ Փշիշ գետի հովիտ, շարժվեց Տուապսե—Հաջիդենսկ խճուղով, առաջապահով անցավ Գոյթղ գյուղը և դուրս եկավ Պելիկո խուտորի շրջանը։ Հոկտեմբերի 5-ին, հակառակորդից մաքրվեցին Պերեվալնի, Կանժան, Ալթուրինալ բնակավայրերը և վերահիշյալ բարձունքները։ Սակայն թշնամին չէր ուզում տեղի տալ։ Էլ ավելի ուժեղացնելով իր 17-րդ բանակի հարվածային խմբավորումը, նա դարձյալ նետվեց առաջ՝ ձգտելով ինչ գնով էլ լինի դուրս գալ Փշիշ գետ, Սեմաշխո լեռ, Գոյթղ, Շահումյան գյուղերի բնագիծ։ 408-րդ դիվիզիան, 18-րդ բանակի մյուս միավորումների հետ մեկտեղ, համառ մարտերով փորձում էր կասեցնել հակառակորդի առաջխաղացումը դեպի Օստրովսկի կիրճ, Գոյթղ լեռնանցք և Շահումյան ավան։ Դիվիզիայի անձնակազմը հերոսաբար և հաջողությամբ էր կատարում դժվարին առաջադրանքը, սակայն նրա թևերում գործող զորամասերի նահանջի հետևանքով ախն հոկտեմբերի 14—15-ին մեկուսացվեց բանակի հիմնական ուժերից և իր թիկունքներից, որոնք գտնվում էին ինդյուկի շրջանում։ Մենդամթերքի և ռազմամթերքի սուղ պաշարների չէին կարող ապահովել գործող ստորաբաժանումների կանոնավոր մարտը, իր հուշերում գրում է Ա. Ա. Գրեչկոն, —մեկ գծի վրա մարտաշարով ձգված 408-րդ հրաձգային դիվիզիան խորություն մարտակարգեր ստեղծելու համար չունենալով ուժեր, օջախային պաշտպանությամբ, վաշտերի հենակետերի միջև 1,5—2 կմ ճեղքվածքների առկայությամբ, վեց օր անընդհատ պահում էր 25—30 կիլոմետրանոց գոտին, ամեն օր ետ մղելով հարձակվող թշնամուս գրոհները<sup>43</sup>։ Կատաղի մարտեր էին գնում յուրաքանչյուր բարձունքի, ամեն մի արահետի ու թիզ հողի համար։ Հակառակորդը ինքնաթիռներից դիվիզիայի գրաված դիրքերում գտնվող անտառի վրա դուրսավառ հեղուկ էր շաղ տալիս։ Անտառն այրվում էր, բայց չնայած դրան,

40 Ս. Մ. Սարգսյան. Այրվող անտառ. Երևան, 1965, էջ 115։

41 Բ. Գ. Գրիգորյան. Հայ ժողովրդի մասնակցությունը Կովկասի պաշտպանությանը. Երևան, 1971, էջ 59։

42 Մ. Պելկև, ք. 18-րդ բանակի, ք. 6367, գ. 59, թ. 5 (վերահիշյալ գոյթղ և ստորաբաժանումները դիվիզիայի հիմնական ուժերին միացան հոկտեմբերի կեսերին)։

43 Ա. Ա. Գրեչկո. Ճակատամարտ Կովկասի համար. Երևան, 1969, էջ 241։

դիվիզիայի մարտիկները հերոսաբար դիմադրում էին թշնամուն, ծանր կորուստներ պատճառում նրան և վիժեցնում դեպի Տուապսե շարժվելու նրա պլանը: Վերջապես դիվիզիային հաջողվեց դուրս գալ շրջապատումից և հոկտեմբերի 26-ին կենտրոնանալ Սադովոդստովո, Պաուկ սար, Լյախի խուտոր շրջանում: Փրկված էր դիվիզիայի դրոշը, անձնակազմի զգալի մասը, մարտական տեխնիկան: Նոյեմբերի 5-ին շրջապատումից դուրս եկավ հերոսաբար մարտնչած 963-րդ հրետանային գնդի 3-րդ դիվիզիոնը: Դիվիզիոնի հրամանատար, կապիտան Սուխրակովը պարգևատրվեց Կարմիր դրոշի, նրա քաղցածով տեղակալ, քաղղեկ Բադալյանը և մարտկոցի հրամանատարի քաղցածով տեղակալ, քաղղեկ Սահակյանը՝ Կարմիր աստղի շքանշաններով: Դիվիզիոնի առավել աչքի ընկած 9 սպաներ ու զինվորներ պարգևատրվեցին «Արիության համար» և «Մարտական ծառայությունների համար» մեդալներով<sup>44</sup>:

1942 թ. հոկտեմբերի վերջերին—նոյեմբերի սկզբներին դիվիզիան առաջավոր գծից փոխադրվեց 18-րդ բանակի ռեզերվ՝ Տուապսե քաղաք, հանգրստի և համալրման համար, որտեղ Անդրկովկասյան ռազմաճակատի Սևծովյան խմբավորման հրամանատարության հրամանով նոյեմբերի 22-ին դիվիզիան կազմացրվեց<sup>45</sup>:

Հայրենական մեծ պատերազմի տարիներին գոյություն ունեցած հայկական ազգային զորամիավորումներից միակը, որը չի կազմավորվել Հայաստանի տարածքում, 390-րդ հրաձգային դիվիզիան էր: Այն ստեղծվեց Վրաստանի Մախարաձե, Փոթի և Զուգդիդի քաղաքներում՝ համաձայն ԽՍՀՄ պաշտպանության պետական կոմիտեի 1941 թ. օգոստոսի 9-ի № 459 որոշման, որպես ոչ ազգային միավորում<sup>46</sup>: Դիվիզիան մտնում էր Անդրկովկասյան ռազմաճակատի 46-րդ բանակի կազմի մեջ: Նրա առաջին հրամանատարն էր գնդապետ Իվան Գրիգորևիչ Վինոգրադովը: Դիվիզիայի կազմի մեջ մտնում էին 784-րդ, 789-րդ և 792-րդ հրաձգային, 954-րդ հրետանային գնդերը, 672-րդ սակրավոր և 842-րդ կապի առանձին գումարտակները, 453-րդ մոտոհրաձգային վաշտը և այլ ստորաբաժանումներ: 1941 թ. նոյեմբերի 24-ին դիվիզիան փոխադրվեց Թամանյան թերակղզի, որտեղ մտավ Կերչից ալյտեղ նահանջած և մարտերում հյուժված 51-րդ բանակի մեջ: Անդրկովկասյան ռազմաճակատի (1941 թ. դեկտեմբերի 30-ից՝ Կովկասյան ռազմաճակատ) հրամանատարությունը տեղադրեց նախապատրաստվում էր իրագործել Կերչ-Թեոդոսյան դեսանտային գործողությունը, որի հիմնական նպատակը Ղրիմի ազատագրման համար պայմաններ ստեղծելն էր: 51-րդ բանակը մտնում էր այդ ռազմաճակատի մեջ: Մարտական գործողությունը սկսվեց 1941 թ. դեկտեմբերի 25-ին: Կլիմայական բարդ պայմաններում 51-րդ և 44-րդ բանակների 6 դիվիզիա, 2 բրիգադ և 2 լեռնահրաձգային գունդ, Սևծովյան նավատորմի և Ազովի նավատորմիկի աջակցությամբ, դեսանտ իջեցվեցին թերակղզու հյուսիս-արևելյան ափերին և Թեոդոսիայի նավահանգստում: Դեկտեմբերի 30-ին թշնամուց ազատագրվեցին Կերչ և Թեոդոսիա քաղաքները: Մինչև 1942 թ. հունվարի 2-ը Կերչ թերակղզին ամբողջովին մաքրվեց թշնամուց: Վերջինս ստիպված էր Սևաստոպոլը պաշարած իր զորքերի մի մասը նետել դեսանտայինների դեմ: Մայր առան արյունահեղ մարտեր, որոնց ակտիվորեն մասնակցեց նաև 390-րդ հրաձգային դիվիզիան, Վերջինս թերակղզի փոխադրվեց 1941 թ. դեկտեմբերի 26—30-ին և մարտերի մեջ մտավ Բախչեկի գյուղի ուղղությամբ: Մարտերի մեջ մեղմելուց առաջ դիվիզիայի անձնակազմը բաղկացած էր 11524 հոգուց, որից

44 ՌԴ ՊՆՆԱ, ֆ. 408-րդ հրաձգային դիվիզիայի, ց. 2, գ. 41, թ. 48:

45 Նույն տեղում, ց. 1 գ. 1, թ. 2 (դիվիզիայի մի խումբ հրամանատարներ, քաղաքապետներ և մարտիկներ համալրեցին Հայկական 89-րդ դիվիզիայի շարքերը):

46 Նույն տեղում, ֆ. 390-րդ հրաձգային դիվիզիայի, ց. 1, գ. 4, թ. 1:

ռուսներ՝ 1429, ուկրաինացիներ՝ 2414, բելոռուսներ՝ 60, հայեր՝ 1894, վրացիներ՝ 3341, ադրբեջանցիներ՝ 1870, մնացածը՝ ալլազգիներ<sup>47</sup>։

Մինչև 1942 թ. հունվարի 19-ը դիվիզիայի զորամասերը Կորպուզից արևմուտք ընկած Սեիդ-Հասան, Ակ-Մոնայ, Սեմիսոտկա բնագծում ետ էին մղում հակառակորդի կատաղի գրոհները։ Այնուհետև մինչև մարտի 5-ը նրանք պաշտպանվում էին հիշյալ բնագծում, միաժամանակ նախապատրաստվում հարձակման։

Հունվարի 28-ին Կովկասյան ռազմաճակատը նպատակահարմարությունից ելնելով բաժանվեց 2 ինքնուրույն՝ Ղրիմի և Անդրկովկասյան ռազմաճակատների, 390-րդ հրաձգային դիվիզիայի, 51-րդ բանակի կազմում, մտավ Ղրիմի ռազմաճակատի մեջ, Ղրիմի ռազմաճակատի հրամաձայնար նշանակվեց գեներալ-լեյտենանտ Դիմիտրի Տիմոֆեևիչ Կոզլովը, շտաբի պետ՝ գեներալ-մայոր Ֆյոդոր Իվանովիչ Տոլբուխինը (հետագայում Խորհրդային Միության մարշալ)։ Ստուգելով Ակ-Մոնայի տեղանկագրում դիվիզիայի գրաված դիրքերը, նրանք շատ դժգոհ մնացին և 1942 թ. փետրվարի 23-ի 11:00 հրամանով պաշտոններից հեռացրեցին դիվիզիայի հրամաձայնար, գնդապետ Ի. Գ. Կիևոգորոդսկին, կոմիսար, գումարտակային կոմիսար Սոկոլովսկին։ Հաջորդ օրը դիվիզիայի հրամանատարությունը ստանձնեց գնդապետ Սիսեոն Գևորգի Զաքիյանը, և այդ ժամանակվանից էլ սկսվեցին դիվիզիայի վերականգնավորման աշխատանքները, որոնք ավարտվեցին մարտի կեսերին։ Կերակրվող զորամասերի հետևանքով միավորումը դարձավ ազգային և կոչվեց Լալկական ջոկ-րդ հրաձգային դիվիզիա։ Նույն ժամանակաշրջանում վերականգնավորվեցին նաև Ղրիմի ռազմաճակատի 224-րդ և 390-րդ հրաձգային դիվիզիաները։ Նրանցից առաջինը՝ վրացական, երկրորդը՝ ադրբեջանական<sup>48</sup>։

Հայկական 390-րդ հրաձգային դիվիզիան սկսեց համարվել առավելապես հայազգի մարտիկներով ու սպաներով։ Նրա շարքերում ծառայող վրացի և ադրբեջանցի ռազմիկները համարեցին 224-րդ և 390-րդ դիվիզիաները, իսկ այստեղից 390-րդ դիվիզիա եկան հայերը, Իիվիզիան, ինչպես վերականգնավորման, այնպես էլ մարտերի ընթացքում, մշտապես գտնվում էր Հայաստանի կուսակցական և պետական մարմինների ուղարկության կենտրոնում։ Այն համարվեց նաև Հայաստանից ուղարկված փորձված կադրերով, նրանց թվում ավելի վաղ՝ հունվարի վերջերին Կերչ ժամանած 50 հայ քաղաքատիրոջներով, հայկական տպարանով՝ իրենց 6 աշխատակիցներով<sup>49</sup>։

1942 թ. մարտի 13-ից սկսեց հայերեն լույս տեսնել դիվիզիայի «Հայկական սնալպեր» թերթը, որի խմբագիրն էր ավագ քաղղեկ Գուրգեն Ներսեսի Հովհաննիսյանը՝ Գուրգեն Հովնանը (հետագայում բանասիրական գիտությունների դոկտոր, պրոֆեսոր)։

Դիվիզիայի ղինվորական կոմիսար նշանակվեց ավագ գումարտակային կոմիսար Թորգոմ Շահինյանը, քաղբաժնի պետ՝ ավագ գումարտակային կո-

47 Նույն տեղում, ֆ. 56, ց. 12214, գ. 982, թթ. 3—11, ֆ. 390-րդ հրաձգային դիվիզիայի, ց. 1, գ. 1, թ. 175։

48 Նույն տեղում, ֆ. Ղրիմի ռազմաճակատի, ց. 1188, գ. 3, թթ. 11—14։

49 Նույն տեղում, թթ. 153—154։

50 Նույն տեղում, ց. 1199, գ. 42, թ. 37։

միսար Սուրեն, Հակոբի Թովմասյանը (հետագայում Հայաստանի կոմկուսի Կենտրոնի առաջին քարտուղար): Հրաձգային զնդերի հրամանատարներ նշանակվեցին՝ կապիտաններ Թորոսյանը (784-րդ գունդ), Լևոն Դեմոսի Հակոբյանը (792-րդ գունդ) և մայոր Մուշեղ Մելքոնի Մալխասյանը (789-րդ գունդ): Դիվիզիայի անձնակազմի 90 տոկոսը կազմում էին հայերը, մնացածը ռուսներ էին, ուկրաինացիներ, բելոռուսներ և այլն<sup>51</sup>: Բայց քանի որ դիվիզիայի վերակազմավորման և համալրման աշխատանքները տեղի էին ունենում մարտական պայմաններում, որի ընթացքում կորուստներն անխուսափելի էին, իսկ Հայաստանից նոր համալրումներ ստանալը համարյա անհնարին էր, ուստի դիվիզիայի անձնակազմի ազգային տեսքը նույնպես փոփոխուն էր: Այսպես, օրինակ, 1942 թ. ապրիլի 19-ի տվյալներով դիվիզիայի անձնակազմը բաղկացած էր 9133 մարդուց, որից հայեր՝ 5744, ռուսներ՝ 1162, մնացածը՝ այլազգիներ<sup>52</sup>:

Մարտի 18-ին 51-րդ բանակի միավորումները վերսկսեցին հարձակումը: Զգալի հաջողության հասավ 390-րդ հրաձգային դիվիզիան, որը 55-րդ տանկային բրիգադի աջակցությամբ, հաղթահարելով թշնամու դիմադրությունը, գրավեց նրա պաշտպանության գոտու առաջին երկու խրամատները և ամրապնդվեց այնտեղ: Հավաքելով ուժերը, հակառակորդը հետանալին ուժեղ նախապատրաստությունից հետո, որն ուղեկցվում էր ավիացիայի զանգվածային հարվածներով և տանկային հզոր ուժերի աջակցությամբ, մարտի 20-ին անցավ հարձակման, նպատակ ունենալով ետ մղել իր պաշտպանության մեջ սեպված խորհրդային զորամասերին: Կատաղի մարտերը շարունակվեցին մինչև օրվա վերջը և ավարտվեցին հակառակորդի 22-րդ տանկային դիվիզիայի ջախջախումով<sup>53</sup>: Ֆաշիստական հրամանատարությունը մտադրությունը՝ ճեղքել 51-րդ բանակի պաշտպանությունը և դուրս գալ Կերչի ծովածոց, ավարտվեց անհաջողությամբ: Այդ գործում իր արժանի ավանդը ներդրեց նաև Հայկական 390-րդ հրաձգային դիվիզիան:

Այնուհետև դիվիզիան մասնակցեց նաև Կոյ-Հասանի ուղղությամբ մարտի 26-ին 51-րդ բանակի սկսած հարձակմանը: Հատկապես աչքի ընկավ մայոր Մուշեղ Մալխասյանի գլխավորած 789-րդ հրաձգային գունդը, որը 5 տանկերի աջակցությամբ կարողացավ առաջ շարժվել 2 կմ և կրակի տակ վերցնել կարևոր երկաթուղային կամուրջը: Սակայն, ընդհանուր առմամբ, բանակի միավորումներին չհաջողվեց գրավել հակառակորդի Կոյ-Հասան պաշտպանական հանգույցը և մարտի 31-ից անցան էջելոնացված պաշտպանության: Սակայն հենց այդ օրն էլ մահացու վերք ստացավ դիվիզիայի հրամանատար, գնդապետ Ս. Գ. Զաքիյանը: Ապրիլի 2-ի առավոտյան նա մահացավ ստացած վերքից: Խորհրդային Հայաստանի կառավարության և Ղրիմի ռազմաճակատի հրամանատարության որոշմամբ գնդապետ Ս. Գ. Զաքիյանի աճյունը փոխադրվեց Երևան և թաղվեց մայրաքաղաքի Ս. Մ. Կիրովի անվան զբոսայգում:

<sup>51</sup> Г. С. Абрамян. Мощное оружие советских войск в боях за Крым (1941—1942). Ереван, 1975, с. 81.

<sup>52</sup> ՌԴ ՊՆԿԱ, ֆ. Ղրիմի ռազմաճակատի, ց. 1199, գ. 3, թթ. 289—294.

<sup>53</sup> С. М. Саркисян. 51-я армия, М., 1983, с. 60—61.

1942 թ. ապրիլի 1-ին դիվիզիայի հրամանատարությունը ստանձնեց գնդապետ Իվան Իլյիչ Լյուդնիկովը, որը հետագայում աչքի ընկավ Ստալին-գրադյան ճակատամարտում, արժանացավ Խորհրդային Միության հերոսի կոչման, վարեց կորպուսի, բանակի, ապա օկրուգի հրամանատարի պաշտոններ, ստացավ դեմեռալ-գնդապետի կոչում:

Ապրիլ ամսվա և մայիսի առաջին օրերի ընթացքում դիվիզիան գտնվում էր բանակի ռեզերվում և հակառակորդի հետ անմիջական շփում չունեցավ: Այդ ժամանակամիջոցը դիվիզիայի հրամանատարությունն օգտագործեց անձնակազմը համալրելու, նորակոչիկներին վարժեցնելու, մարտական և քաղաքական պատրաստությունը բարձրացնելու համար: Վաշտերում և գումարտակներում ստեղծվում էին տանկեր կործանողների խմբեր: Մեծ ուշադրություն էր դարձվում Հայաստանի աշխատավորության հետ ունեցած կապերի ամրապնդմանը. այդ ընթացքում դիվիզիա այցելեց Հայաստանից ուղարկված երկու պատվիրակություն, առաջինը՝ ՀԽՍՀ Գերագույն Խորհրդի նախագահության նախագահ Մացակ Պապյանի, երկրորդը՝ ՀԿ(Բ)Կ Կենտկոմի երկրորդ քարտուղար Աղասի Սարգսյանի գլխավորությամբ: Ապրիլի 17-ին գնդապետ Ի. Ի. Լյուդնիկովը նշանակվեց 138-րդ հրաձգային դիվիզիայի հրամանատար, իսկ նրան փոխարինեց գնդապետ Հմայակ Գրիգորի Բաբայանը<sup>54</sup>:

Մայիսի առաջին տասնօրյակին Ղրիմի ռազմաճակատի զորքերի դրությունը խիստ վատացավ. հակառակորդը նորանոր ուժեր կուտակելով, մայիսի 7-ին անցավ հարձակման: Նրան հաջողվեց ռազմաճակատի ձախ թևում ճեղքել պաշտպանությունը և շարժվել թուրքական պատնեշի ուղղությամբ: 51-րդ բանակի զորքերն արիաբար ետ էին մղում հակառակորդի ճակատային գրոհները և, միաժամանակ, միջոցներ փնտրում ձախ թևում առաջացած ճեղքվածքը փակելու համար: Այդ նպատակով բանակի հրամանատարի հրամանով Հայկական 390-րդ հրաձգային դիվիզիան Ագիրեյի շրջանից տեղափոխվեց Արմա-էլի: Առաջինը նշված բնագիծ հասավ և մարտերի մեջ մտավ 789-րդ հրաձգային գունդը, որի անձնակազմի հերոսական ջանքերով հաջողվեց այդ տեղամասում կանգնեցնել հակառակորդի առաջխաղացումը: Դա դիվիզիայի հիմնական ուժերին հնարավորություն տվեց կրակային դիրքեր գրավել հատկացված բնագծում: Ծեղքվածքը փակելու նպատակով բանակի հրամանատարությունը փորձում էր այնտեղ կենտրոնացնել նաև այլ ուժեր: Սակայն հակառակորդի ավիացիայի արտակարգ բարձր ակտիվության, ինչպես նաև ծանր հրետանու հզոր հարվածների հետևանքով այդ ուժերի մի զգալի մասը չկարողացավ կատարել մարտական առաջադրանքը ու կրեց ծանր կորուստներ: Ռմբակոծության հետևանքով իր հրամանատարական կետում զոհվեց 51-րդ բանակի հրամանատար, դեմեռալ-լեյտենանտ Վ. Ն. Լվովը և նրա հետ եղած մի շարք բարձրաստիճան հրամանատարներ: Մանր կորուստներ կրեց նաև 390-րդ դիվիզիան: Ռմբակոծության ժամանակ, մայիսի 9-ին, Արմա-էլի շրջանում զոհվեց դիվիզիայի կոմիսար Թորգոմ Շահինյանը, վիրավորվեց հրամանատարը՝ գնդապետ Հմայակ Բաբայանը. հրամա-

<sup>54</sup> Հետագայում գեներալ-մայոր, Խորհրդային Միության հերոս, 338-րդ հրաձգային դիվիզիայի, ապա 35-րդ մեքենայացված բրիգադայի հրամանատար, զոհվել է 1945 թ. ապրիլի 22-ին Բեռլինի ճակատամարտում:



րաստել և ուղարկել: Մինչև իր կազմացումը (հունիս 1945 թ.)<sup>59</sup>, դիվիզիան պատվով կատարեց իր առջև դրված խնդիրը: Նրա շարքերում մարտական պատրաստություն ստացած ավելի քան 10 000 հայ ռազմիկներ մեկնեցին ռազմաճակատ և իրենց արժանի ավանդը ներդրեցին ֆաշիզմի ջախջախման գործում:

Ավելորդ չենք համարում նշել նաև, որ ֆաշիզմի դեմ տարած հաղթանակի գործում նշանակալից էր նաև խորհրդային Հայաստանի աշխատավորության ավանդը: Պատերազմի տարիներին թիկունքի աշխատողների հերոսական ջանքերի շնորհիվ հանրապետությունը վեր էր ածվել իսկական զինանոցի, որը ռազմաճակատին մատակարարում էր շուրջ 300 տեսակի զենք ու զինամթերք, պարեն ու հագուստ: Աշխատավորների խնայողությունների հաշվին կազմավորվեցին «Հայաստանի երիտասարդություն», «Հայաստանի գյուղացիություն», «Զանգեզուրի հանքագործ» տանկային շարասյուները, «Խորհրդային Հայաստան», «Հայաստանի ֆիզկուլտուրնիկ» ավիաէսկադրիլիաները և այլն:

Պատերազմում տարած հաղթանակում զգալի ներդրում ունեցավ նաև սփյուռքահայությունը, որի ճնշող մեծամասնությունը կողմնորոշվեց դեպի մայր հայրենիքը և համախմբվեց ազգային ճակատի կազմակերպությունների մեջ, պաշտպանեց, նյութական ու բարոյական օժանդակություն ցույց տվեց մարտնչող խորհրդային հայրենիքին: 1944 թ. փետրվարին Առաջին Մերձբալթյան ռազմաճակատի (հրամանատար Հ. Ք. Բաղրամյան) 119-րդ առանձին տանկային զնդի կազմում մարտերի մեջ մտավ սփյուռքահայերի հանգանակությամբ կառուցված «Սասունցի Դավիթ» տանկային շարասյունը: Իրանահայերը միջոցներ հավաքեցին «Գեներալ Բաղրամյան» տանկային շարասյան համար: Հազարավոր սփյուռքահայեր ֆաշիզմի դեմ պայքարել են նաև զենքը ձեռքներին: Միայն ԱՄՆ-ի բանակում մարտնչել են շուրջ 20 հազար հայորդիներ: Ավելի քան 30 հազար հայ ռազմիկներ կային դաշնակից մյուս երկրների բանակներում, որոնք զորակոչվել էին Նգիստոսից, Միրիայից, Լիբանանից և այլ վայրերից: Հազարավոր հայեր ընդգրկված էին Ֆրանսիայի, Հունաստանի, Ռումինիայի, Բուլղարիայի, Զեխտսլովակիայի, Հոլանդիայի և ֆաշիստական Գերմանիայի ետդմից զավթված մի շարք այլ եվրոպական երկրների դիմադրական-պարտիզանական շարժման պայքարում և իրենց արժանի ավանդը ներդրեցին աշխարհի առաջագիմ մարդկության ռիսերիմ թշնամի ֆաշիզմի դեմ տարած պատմական նշանակություն ունեցող հաղթանակի գործում:

# УЧАСТИЕ АРМЯНСКИХ НАЦИОНАЛЬНЫХ ВОИНСКИХ ФОРМИРОВАНИЙ В ВЕЛИКОЙ ОТЕЧЕСТВЕННОЙ ВОЙНЕ (1941—1945 гг.)<sup>1</sup>

Доктор ист. наук К. А. АРУТЮНЯН

## Резюме

Армянский народ принял активное участие в Великой Отечественной войне Советского Союза. Более 500 тысяч его сыновей и дочерей с честью выполнили свой долг перед Родиной, внесли достойный вклад в победу над фашизмом. Свыше 200 тысяч воинов-армян погибли на фронте, 70 тысяч были награждены боевыми орденами и медалями, 100 армян и представителей других народов, живущих в Армении, получили звание Героя Советского Союза, а Маршал Советского Союза И. Х. Багра-

мян и прославленный летчик Н. Г. Степанян были удостоены этого высокого звания дважды. 27 воинов-армян стали полными кавалерами ордена Славы всех трех степеней. Высокое полководческое звание Маршала Советского Союза было присвоено И. Х. Баграмяну, Адмирала флота Советского Союза — И. С. Исакову. В годы войны существовало 6 армянских дивизий: 76-я, 89-я, 261-я, 390-я, 408-я и 409-я. 76-я горно-стрелковая дивизия, сформированная в Армении в 1920—1922 гг. на базе Армянской армии первой Республики Армении, в годы войны участвовала в Сталинградском сражении, в битве на Курской дуге, в боях за освобождение Белоруссии и Прибалтики, была преобразована в 51-ю Витебскую гвардейскую ордена Ленина дивизию. 89-я стрелковая дивизия, сформированная в Ереване в конце 1941 г., в августе 1942 г. была направлена на фронт. Участвовала в боях за Северный Кавказ, за освобождение Таманского, Керченского и Крымского полуостровов, Польши, за взятие Берлина. Получила почетное наименование Таманской, награждена орденами Красной Звезды, Красного Знамени и Кутузова 2-й степени. 261-я стрелковая дивизия стояла на защите южных рубежей СССР на территории Советской Армении. 390-я стрелковая дивизия в январе—мае 1941 г. отличилась в тяжелых боях в Керчи. 408-я стрелковая дивизия с августа 1941 г. стояла на левом берегу р. Аракс на территории Армении. В сентябре 1942 г. была направлена на фронт, где участвовала в кровопролитных сражениях за Кавказ на участке Туапсе-Новороссийск-Геленджик. 409-я стрелковая дивизия сражалась на Северном Кавказе, за освобождение Украины, Молдавии, Румынии, Венгрии, Австрии и Чехословакии, получила почетное наименование Кировоградско-Братиславской, награждена орденом Богдана Хмельницкого 2-й степени.